

睿覽欽奉

俞旨疊蒙

憲檄榮也不才敢不因舊增新

以昭

典制爰取成志徹底理會詮次合  
例損益相宜彙帙廿六犁然眉列  
爲目三十較若支分曾無掛漏

門序二

以俟再贅一詞焉獨是繼起之  
職官選舉除申文報明相應接  
續添附外茲有

安撫部院徐 禁革里排碑文  
亟當載入藝文部中垂訓來者  
蓋里排之爲害於民奚啻鳩毒  
而禁革里排之有益於民如去


湯火既勒諸瑱珉請傳之通志  
使千百世之下之民仰沐  
安撫部院徐 愛養之實惠千  
百世之下之官遵守

安撫部院徐 釐剔之美舉豈  
非有關於風俗政事之大者乎  
康熙二十二年歲在癸亥孟冬

門序三

穀旦

奉直大夫知廣德州事三韓  
門可榮識



廣德州志序

蓋一代之興經營草創泊乎重  
熙累洽則文治聿宣所以為太  
平之潤色也我

皇上承

太祖高皇帝

太宗文皇帝

高序一

世祖章皇帝三世之鴻庥宇內底定五  
十餘年近則山無伏莽海不揚  
波此正治極而文之時矣我  
皇上疇咨雋茂裒益典章儀文度數  
以次具舉上自

郊廟內而

朝廷外而鄉國莫不勒有成書其大

者以銓叙則有品級考以見行  
事例則有實錄他若修濛國之  
史則

特命購啓禎軼事

御經筵之席則

特重孝經一書固已細大畢登幽明  
咸貫矣獨是我

高序二

朝幅幘萬里而

皇輿之記尚屬未備此者

允閣臣 衛䟽請令直省羶邑各修

地志以備採輯其式一以河南  
陝西通志二書為準為目凡三  
十曰圖考曰建置沿革曰星野  
曰疆域曰山川曰風俗曰城池

曰河防曰封建曰戶口曰田賦  
曰物產曰職官曰公署曰學校  
曰選舉曰祠祀曰陵墓曰古蹟  
曰帝王曰名宦曰人物曰孝義  
曰列女曰流寓曰隱逸曰仙釋  
曰方伎曰藝文曰雜辨

命下之日

高序三

憲檄嚴催乾惟州志始于明弘治  
年次則重修于嘉靖年二書遠  
不可考矣惟萬曆壬子一志為  
時差近而舛譌謬誤殊難考信  
國朝前守應山楊君再為修輯考  
核詳明剗剔精工稱善本矣但  
以體例不合乾何敢假手成勞

上涿

功令無已則揖州明經戈標文學  
濮陽鄒姚錄王雲王翹等而進  
之曰凡為志者非文獻莫徵文  
則新舊二志備矣桑梓之地聞  
見切確欲求故老舍諸君其誰  
與歸况諸君者又皆與修前志

高序四

之人也三五年間雖無大更張  
然人物孝義列女諸目最難愜  
志彼前志既成之後其物論之  
可否網羅之掛漏必有非一時  
所得盡者茲則再操觚矣必虛  
以採聽公以持衡詳以盡義嚴  
以屬詞其為志目所有者著之

如圖考建置沿革星野疆域山川風俗城池戶口田賦物產職官公署學校選舉祠祀陵墓古蹟名宦人物孝義列女流寓隱逸仙釋藝文之類是也其為志目所無者闕之如河防封建帝王方伎雜辨之類是也于是延

高序五

之公廨朝夕編摩凡閱兩月而告成嗚呼勗哉

昌期不再逢

盛典不易副往者郡邑之志不過備一方之掌故已耳未嘗以之達

睿覽也今則

聖天子勵精圖治于上

賢宰輔劬勩佐治于下凡茲郡邑

悉將繪其土風採入通志萬一

徼幸

重瞳偶及曰桐之士薄而物瘠也如此桐之士愿而民樸也如此桐之賦雖不登于上錯而猶畢力

高序六

以上供也如此渙之

王言沛以

湛恩桐民其有瘳乎即不然州之才行卓越非不頂背相望也而在遠無聞其與湮沒何異惟既入通志則某也以政事顯某也以文章傳某也以奇節著行將傳

之史冊流之無窮非值  
今日之盛舉將何以自見于後哉  
且此猶其小者也

聖天子軫念民瘼無遠弗届而茅簷  
情形容有未徹

宸聰者此志一成其或得于  
乙夜之披覽

高序七

離照之旁燭必將思

祖宗締造之艱難求邦本綢繆之至計  
不需太史陳詩而十五國之風  
已有以調其燥濕而劑其剛柔  
矣文治蒸蒸日上為隆則是前  
有朴斲而茲則其丹腹也前有  
垣墉而茲則其塗墍也誠可仰

配

三后而不顯不承垂模于奕禩矣吾以前所言私為桐民禱而以後所

陳敬為

當宁頌均在此一舉也可不勗哉  
皆

康熙十二年歲在癸丑孟夏之吉

高序八

奉直大夫知廣德州事上郡高拱

乾謹撰



序

余昔令洛時固嘗從事於羈志矣弘  
農十四屬洛陽實領袖之伊時二三  
鄉大夫操觚執簡參伍錯綜余咸得  
徃復折衷焉癸卯秋仲承乏桐汭驅  
車至止考鏡徃轍以稽得失見舊志  
舛譌即欲修茲鉅典念受事伊始政

楊序一

教未孚徒懷鬱鬱年來荷

聖主鴻庥蝗虎無菁

各上臺寬政鷄犬不驚余始得優游与  
田畷父老講稼穡艱難察閭閻疾苦  
也尤幸桐汭倍朴民愿諸父老頗能  
諒余赤腸率之輒應如百雉城堞向  
之頽若敗垣者今則屹屹崇墉矣數

仞宮墻向之淪于瓦礫者今則煥然  
丹雘矣他若加飾城隍祠而祈報有  
地修葺

天使館而皇華聿尊及夫闢門以挹秀水  
建橋而迓福星先後三四年次第締  
造余固拮据不辭瘁諸百姓實爭趨  
而不言勞迄於今一庭訟簡四境晏

楊序二

如敢曰貪天爲功哉竊念長吏之於  
地方率五日京兆耳郡乘一書余旣  
有夙心若曰循不舉以待後人恐後  
人又待後人終成缺陷丁未冬適洛  
陽陳明經珏顧予於桐陳明經天中  
名宿昔修志於弘農者也余心因愈  
躍然遂謀諸學博荆君振日進諸紳

士之淹雅者如岑進士鶴陳孝廉哲  
戈明經標弟子員濮陽鄒戈夔戈襄  
與陳明經珏共訂之曰膏火薪爨郡  
大夫之事也余不敢委諸異人微顯  
闡幽諸君子幸金玉墨瀋而勿輕以  
椽筆貸親知朝夕討論芟其繁蕪訂  
其舛謬余猶恐聞見不廣考究不精

楊序三

自五達通衢以至三家孤村反覆採  
訪不厭亶亶始事於丁未冬仲授梓  
于戊申春季閱五月而志成余惟今  
之郡志古列國史也太史陳之輶軒  
採之所以考政治所以驗風俗所以  
稽物理是志所編由唐宋以迄今日  
始終不紊條理咸備後人曰是求之

則桐汭一郡上下千餘年燦若指掌  
不寧惟是桐之士若民當日范希文  
孫莘老鄒東郭諸先生所愛養而教  
迪之士若民也後之官於斯者思諸  
先生之所以為政則里閭咏樂只矣  
思諸先生之所以為教則泮壁頌樸  
棫矣若夫查清容之恬靜王原竄之

楊序四

孤忠李司空夏司馬之事業姜莊介  
之清操李侍御之建白是桐汭間出  
之名賢也桐之人効而尤之則正士  
輩出川岳有餘輝乎至於浴兒之不  
昧遺金夏女之殉節未嫁尤為委巷  
楷模閨閣標的倘能今昔不殊源流  
相繼是余求志夙心也夫是余求志


夙心也夫

皆

康熙七年歲在戊申季春吉日

奉直大夫知廣德州事加一級楊苞題

於州署之觀我堂



楊序五

廣德州建平縣志序

自封建既邈而郡縣聿興別疆分域  
星羅碁置

天子不下堂階而山陬海澨了然瞳眈非  
恃耳目之能周亦圖籍之足徵耳然  
時方草創則憑記載以稽寔世歷承  
平則等空文而泛視豈知一代文獻

序一

之盛非僅黼黻太平之具乎是故志  
山川津要非曰疆圉之孔固也盖有  
山谿非險衆志成城之意焉志户口  
田賦非曰民衆土廣也盖有赤不易  
保財不可竭之意焉志人物節義非  
曰培養極而人才興教化施而竒行  
著也盖有賢不可蔽善不可隱之意

焉志士俗民風非曰洞悉箕畢之攸  
好周知山隰之殊尚已也盖有調劑  
剛柔轉移奢儉之意焉凡茲記載具  
有深思此歷代以空文視之而

熙朝必

睿慮及之者也我

國家重熙累洽統一中外猶令直省羈邑

序一

各修地志以便采輯其為目三十而  
星野山川户口田賦人物節義士俗  
民風其大端也惟茲建陽丸壤土瘠  
而民勞士愿而農樸夜績晝芸蹶蹶  
瞿瞿有良士之遺意焉自

熙朝鼎之沐恩

聖澤奉化循良數十年來徒見山高而水

清昔

世祖章皇帝御極之四年湯陰張公司牧茲  
玉重修邑志非不詳且明矣然而今  
志非猶夫昔之志也昔以供縣治之  
稽攷今以進

天朝之御覽也昔以為名區之典籍今以  
備

序三

王府之鴻文也浸假


聖照偶及念茲壤瘠民勞而哀我憚人簡  
茲隱秀遺良而烝我髦士覽忠孝節  
羨之孤悰而喟焉太息其蒙庥何際  
而鼓勵何窮也不寧惟是尤令有司  
之蒞茲邑者稽山川險要顧地利而  
思人和稽田賦戶口恤黎元而戒培

克且稽人物節義士俗民風而悠然  
有恤才彰善移風易俗之治焉亦曰  
天子尚勤采輯臣下何敢泛視安在龔黃  
召杜之輩不見於今日耶是邑志一  
修而土宇旼章之盛明良交儆之規  
悉于是乎得之矣敬佈弁言以記盛  
事

序四

康熙十二年歲在癸丑孟夏之吉

文林郎知建平縣事楚南嘉高自遠  
謹撰



修志姓氏

總裁

總督

江南江西等處地方文武事務兼理糧餉  
操江兵部左侍郎兼都察院右副都御史

麻勒吉

謙六滿洲人  
壬辰狀元

巡撫

安徽寧池太廬鳳七府廣德滁和三州地方  
都察院右副都御史加一級實支正一品俸

靳輔

紫垣滿洲籍  
遼陽人

提調

江南等處承宣布政使司布政使加三級

徐國相

行清奉天廣  
寧人

江南安徽寧池太廬鳳等處提刑按察司

佟國禎

韓一奉天遼陽  
人戊子貢士

分管漕務

督理江安徽寧池太廬鳳淮揚  
十府糧儲道右叅議加一級

王緒祖

繼之滿洲人

分巡徽寧道

兼轄廣德州駐劄徽  
州府僉事加一級

呂正音

夢軒浙江新  
昌人乙未

廣德州志

姓氏

一

整飭通省驛傳鹽法屯田道駐劄江寧府副使王功成

允大山東博  
平人己丑

提督江南通省學政僉事

虞二球

天玉浙江定  
海人戊戌

監修

廣德州知州

高拱乾

九臨榆林衛  
人蔭生

協理

廣德州州判

陳夢虬

伯雲福建海  
澄人恩貢

建平縣知縣

高自遠

海望湖廣嘉  
魚人舉人

評論

廣德州學學正

馮益燿

江南金壇人  
辛卯

纂修

拔貢

戈標

闇生本州人

生員

濮陽鄒

爰清本州人

姚錄

錫元建平人

王雲

星拱建平人

王翹

嘉俊建平人

訂正

進士

岑鶴

羽長建平人  
甲辰

舉人

陳哲

幾先本州人

廣德州志

姓氏

二

夏迪忱

籲俊本州人

周烈

益生州學建  
平人

參閱

廣德州貢士

陳懋進

丁際昌

生員

趙先簡

盧琦名

雲銓

濮陽曉

盛起

濮遇肯

包元翻

許琬

陳培

巫森

楊永年

戈麟長

戈麟光

姓氏

三

廣德州志

督梓

廣德州吏目

葉時逢

浙江義烏人

凡例

一 毘志代有纂修最近者無如明萬曆四十年壬子  
一 志迄今六十有二載矣一尋干戈再經  
鼎革城池廨署水旱襍祥不無變易順治三年前守閔  
君迫于臺檄因仍舊志第以一序弁其首勿論豕  
亥魯魚多有舛訛而稱謂擡頭茫無竄改後之覽  
者竟莫辯爲何代之書前守楊君重修采輯釐定  
足稱信史今復奉

勅纂修蒐羅益廣刪訂加嚴編摩校核視昔尤爲詳確

廣德州志

凡例

一

一 戶口之多寡田賦之上下有心者于此觀世變焉  
舊志修于萬曆年前此變制源流已綦詳矣天啓  
崇禎間一加再加民不堪命

國朝頒制悉照萬曆初年起科萬世永賴焉茲戶口田  
賦

本朝見行科則一遵康熙十一年賦役全書仍列歷朝  
舊額于後以備攷覈

一 關梁祠宇一時剝締良有苦心文人匠裁紀述顛  
木自宜載傳第舊志列紀文于剝締之下反礙觀

者心目茲則止臚朐締之人之時一切碑記志銘  
盡收藝文部中庶便省覽

一物產志昭地力也菽麥雞犬在在有之繁冗穢蕪  
反來厭棄茲列其獨著而僅有者非畧也避買菜  
求益之誚也

一志不惟其文惟其實官師循良邦國文獻上下數  
百年固不乏人然事求有據文必衷情公論定於  
蓋棺始免面諂之陋立傳根諸實蹟庶無諛墓之  
譏淹雅雖愧馬班直道欲附董左後有來者鑒茲

廣德州志

凡例

二

苦心

一宋儒真德秀文章德誼表表千載不附史彌遠出  
爲江東轉運使請粟賑貸郡人賴以全活此名宦  
之有實蹟者也舊志收入流寓表中殊不倫今正  
之

一明少師蹇義功業固自顯灼嘗爲吏部尚書巡撫  
江南按部至州錄明太祖祠山詩舊心入流寓中  
非體今刪之

一李司空得陽才掇巍科勲高峻品壬子一志出其

手筆故未立傳茲特補續知者當不謂予阿私  
一胡中丞屢以議馬政傳王少叅養俊以文譽傳獨  
惜其履歷未詳爾

一川岳靈秀鍾毓有數偏全小大隨乎時代橫山桐  
水之間雖才藪乎雲蒸霞蔚昔則盛矣人物志除  
舊志已載諸先生彪炳事業俱詳著外近取戈君  
瑶包君元翀戈君啓斗三君子以昭

本朝作養人才之盛典意蓋取乎勸來事無膠於泥古  
一廣德鎖三吳而襟兩浙江南雄郡也文事武備不

廣德州志

凡例

三

容偏廢特志兵禦以備前志之缺明鄧愈以元帥  
鎮守舊志表爲名宦失制茲志兵禦以鄧愈冠其  
前特書

興朝防守弁將庶後之擁虎帳而談黃石者有所觀感  
乎

一藝文非鬪靡也必其關於風俗政事之大者也否  
則城池建制也近代穢蕪苟不淪于顯宦家乘則  
幾人於名士文集千載而下應有天眼笑人茲則  
嚴加核求泛引無當者槩不採錄

廣德州志 建平縣附

目錄

卷之一

圖考

卷之二

建置沿革 有表

卷之三

星野 祥異附

卷之四

廣德州志

目錄

一

疆域 鄉都附

卷之五

山川 形勝津梁附

卷之六

風俗 節序附

卷之七

城池 兵禦附

卷之八

戶口 編審鹽課附

卷之九

田賦

陂塘倉廩馬日圩田 田附

卷之十

物產

卷之十一

職官

卷之十二

公署

郵舍附

卷之十三

廣德州志

目錄

二

學校

典籍禮器樂器祭器義學學產附

卷之十四

選舉

荐辟貶封恩廕武科附

卷之十五

祠祀

卷之十六

塚墓

坊表附

卷之十七

古蹟

卷之十八

名宦

卷之十九

人物

卷之二十

孝義

卷之二十一

列女

卷之二十二

廣德州志

目錄

三

流寓

卷之二十三

隱逸

卷之二十四

仙釋

寺觀附

卷之二十五

藝文

卷之二十六

藝文

目錄終



廣德州志

卷之一

圖考

一

廣德州地輿圖

This block contains the title '廣德州地輿圖' (Map of Guangde Prefecture) written in large, bold, vertical characters. The characters are arranged in two columns, reading from right to left. The style is a traditional calligraphic or woodblock font.







廣德州志

卷之一 圖考

三






廣德州志

卷之一 圖考

四







廣德州志

卷之一 圖考

六







廣德州志

卷之一 圖考